

U. Eicher  
**Jede het si Wunsch**

(?-Dur) ( st. Jodel)

**Mänge wünscht** sich huufe  
Gäld, andri schier di ganzi Wält.  
Wil är nid so schaffe ma,  
wett är immer Sunntig ha.  
So het jede Mönsch si Wunsch.

**Einisch Flügel** dörfe ha,  
über allem chönne stah  
oder bsitze Huus uf Hof  
wär für mänge ds grosse Los.  
So het jede Mönsch si Wunsch.

**Gsundheit chunt** für mi vorab,  
das isch doch di grössti Gab.  
Jutze chönne wett i geng.  
Süscht wurd mir de Tage leng.  
So het jede Mönsch si Wunsch.